

U G O V O R

za nabavku radnih stolica za potrebe Zavoda za izgradnju Kantona Sarajevo

1.UGOVORNI ORGAN: ZAVOD ZA IZGRADNJU KANTONA SARAJEVO, ul. Kaptol br.3, Sarajevo, koga zastupa direktor Belma Barlov,dipl.ing.arh. (u daljem tekstu: Zavod – Ugovorni organ),

i

2. ISPORUČILAC: „R&S“ D.O.O. SARAJEVO, ul.Igmanska b.b. Vogošća, koga zastupa direktor Kemal Selmanagić (u daljem tekstu: Isporučilac), ID broj: 4200056290005

I PREDMET UGOVORA

Član 1.

Predmet ovog Ugovora je „Nabavka radnih stolica za potrebe Zavoda za izgradnju Kantona Sarajevo”, a na osnovu Odluke o dodjeli br. 03-45-7094/21 od 30.07.2021. godine, a u skladu sa prihvaćenom ponudom Isporučioca br. 260721/21 od 26.07.2021. godine, koja je sastavni dio ovog Ugovora.

II CIJENA I NAČIN PLAĆANJA

Član 2.

Ukupna vrijednost robe iz člana 1. ovog Ugovora, prema specificiranim količinama i ugovorenim jediničnim cijenama, nakon e-aukcije iznosi:

Cijena bez PDV-a	18.591,00 KM
PDV 17%	3.160,47 KM
Cijena sa PDV-om	21.751,47 KM

(slovima:dvadesetjedenhiljadanasedamstopedesetjedna i 47/100 KM)

U jedinične cijene su uključeni svi troškovi za isporuku roba (materijal, radna snaga, prevoz, troškovi osigurnja, troškove osiguranja transporta opreme itd.) kao i svi porezi, takse i ostala davanja koje je Isporučilac dužan platiti iz bilo kojeg razloga, a koji bi se mogli pojaviti tokom isporuka roba koje su predmet nabavke.Jedinične cijene su fiksne – nepromjenljive. Sredstva za realizaciju ovog Ugovora obezbjeđena su iz budžeta Zavoda za izgradnju Kantona Sarajevo za 2021.godinu.

Član 3.

Plaćanje po ovom Ugovoru vršit će se po ispostavljenoj fakturi u roku od 15 dana od dana ispostavljanja fakture / računa.

Plaćanje po ovom Ugovoru vršit će se transakcijski račun dobavljača broj: 3389002208510172, otvoren kod Uni Credit banke.Kao dokaz izvršene isporuke prilaže se zapisnik o kvantitativnom i kvalitativnom prijemu predmetne robe, potpisan od strane osoba ovlaštenih za isporuku i prijem naručene robe. Plaćanje će se vršiti bez avansa.

Član 4.

U slučaju da Ugovorni organ utvrdi da je roba oštećena ili neispravna, o tome će se sastaviti poseban izvještaj i isti uputiti Isporučiocu da se u roku od 15 dana izjasni u pogledu utvrđenih nedostataka na robi, a ukoliko Isporučilac ne isporuči robu u skladu sa zahtjevima iz tehničke specifikacije utvrđene



Tenderskom dokumentacijom i Ponudom iz člana 1. ovog ugovora, roba neće biti plaćena i stavit će se na raspolaganje Isporučiocu.

III ROK ISPORUKE

Član 5

Isporučilac se obavezuje predmetnu robu isporučiti u roku 30 (trideset) dana od dana obostranog potpisivanja Ugovora.

Član 6.

Rok izvršenja utvrđen ovim Ugovorom produžuje se:

- za slučaj smetnji uslovljenih nastupanjem više sile (za onoliko dana koliko je trajanje više sile ometalo normalan rad Isporučioca),
- kada se ugovorne strane o tome pismeno sporazume.

Član 7.

U slučaju neopravdanog zakašnjenja Ugovorni organ ima pravo za svaki dan zakašnjenja Isporučioca zaračunati penale. Za svaki dan zakašnjenja isporuke robe preko 7 dana zaračunavat će se penali u iznosu od 0,2% cijene iz člana 2. ovog Ugovora, a maksimalno 5%.

Isporučilac je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje Isporučilac nije mogao uticati niti ih predvidjeti.

IV PROVEDBA UGOVORA

Član 8.

U svrhu realizacije ovog ugovora, a u skladu sa zahtjevima ugovornog organa, Isporučilac će osigurati isporuku radnih stolica na adresu Ugovornog organa, poslovne prostorije Zavoda za izgradnju Kantona Sarajevo, Kaptol br.3, a u skladu sa ponuđenom jediničnom cijenom za navedenu robu koja je sadržana u ponudi.

Isporučilac snosi sve rizike do konačnog prijema robe na adresi Ugovornog organa

Član 9.

Preuzimanje robe kancelarijske radne stolice definirane specifikacijom i tehničkim opisom koji čini sastavni dio ovog ugovora, izvršit će se putem Komisije sastavljene od predstavnika Zavoda za izgradnju Kantona Sarajevo i ovlaštenog predstavnika Isporučioca, koji će sačiniti i potpisati primopredajni zapisnik. Primopredajni zapisnik o kvalitativnoj i kvantitativnoj primopredaji, ugovorne strane sastavljaju na temelju neposrednog uvida od strane ovlaštenih predstavnika.

Član 10.

Isporučilac daje garancija od 2 (dvije) godine za isporučenu kancelarijsku opremu - kancelarijske radne stolice, računajući od primopredaje robe, te u toku garantnog roka garantuje servis ili zamjenu robe o svom trošku.

Isporučilac se obavezuje da će u garantnom roku brzo i efikasno, na vlastiti trošak otkloniti sve greške i nedostatke koji se budu pokazali u toku trajanja garantnog roka.

Ugovorni organ će odmah pismeno reklamirati Isporučiocu nedostatke ukoliko se pojave uz pozivanje na obaveze iz garantnog roka. Isporučilac je obavezan u roku od 3 dana popraviti reklamirani nedostatak, bez troškova po Ugovornog organa.

OSTALE ODREDBE

Član 11.

Sastavni dio Ugovora čine sljedeći dokumenti:

- Predmjer i predračun/ specifikacija i tehnički opis robe,
- Liste podataka o Isporučiocu,
- Izjava Isporučioca za garanciju na isporučenu robu.

Član 12.

Isporučilac u svrhu izvršenja zaključenog Ugovora nema pravo zaposliti lica iz člana 72., stav (6) Zakona o javnim nabavkama do isteka roka od 6 mjeseci od zaključivanja ugovora .

Član 13.

Ugovorne strane su saglasne da će sporove nastale po ovom ugovoru izvršavati sporazumno, u skladu sa dobrim poslovnim običajima. U suprotnom za sporove nastale po ovom ugovoru nadležan je Općinski sud u Sarajevu.

Član 14.

Za izvršavanje ugovornih prava i obaveza ugovornih strana primjenjivat će se odredbe Zakona o obligacionim odnosima FBiH.


Član 15.

Ugovor stupa na snagu nakon što ga potpišu obje ugovorne strane.

Član 16.

Ugovor je sačinjen u 4 (četiri) istovjetna primjerka, od kojih 1 (jedan) primjerak zadržava Isporučilac a preostala 3 (tri) primjerka zadržava Zavod za izgradnju Kantona Sarajevo.


ISPORUČILAC:
R&S D.O.O. SARAJEVO

Direktor

Kemal Selmanagić

Br.ugovora: 505/2021
Sarajevo, 25.08. 2021.god.



ZAVOD ZA IZGRADNJU
KANTONA SARAJEVO

Direktor

Belma Barlov, dipl.ing arh.

Br.ugovora:03-45-7391/21
Sarajevo, 10.08 2021.god.

